



Broj: 509/24

Datum: 12.03.2024. godine

Na osnovu člana člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni Glasnik BiH" br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18, br. 3/22, 20/23), Zapisnika o pregledu i ocjeni ponuda br. 482/23 od 16.03.2023.godine, a na preporuku Komisije za javnu nabavku, direktor JP „LOKOM“ d.o.o. Sarajevo, **donosi**

ODLUKU **o poništenju postupka javne nabavke**

Član 1.

Poništava se otvoreni postupak javne nabavke kafe, čaja i srodnih proizvoda, objavljenog na Portalu javnih nabavki nabavki dana 25.01.2024. godine, broj obavještenja: 269-1-1-4-3-21/24.

Član 2.

Otvoreni postupak javne nabavke roba iz člana 1. ove Odluke poništava se na osnovu člana 69. stav (2) tačka d) Zakona o javnim nabavkama BiH („Službeni glasnik BiH" br. 39/14 i 59/22) iz razloga što nijedna od primljenih ponuda nije prihvatljiva.

Član 3.

Ova Odluka objavit će se na internet stranici ugovornog organa u skladu sa članom 70. stav (6) Zakona o javnim nabavkama, te će se uputiti svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama BiH.

Član 4.

Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.

Član 5.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o ž e n j e

Postupak za javnu nabavku roba: Nabavka kafe, čaja i srodnih proizvoda, putem otvorenog postupka, pokrenut je Posebnom odlukom o pokretanju postupka javne nabavke br. 117/24 od 24.01.2024. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

Shodno članu 16. Zakona o javnim nabavkama predmetni postupak javne nabavke nije podijeljen na lotove jer se radi o cjelovitoj i istovrsnoj nabavci, odnosno nabavci kafe, čaja i srodnih proizvoda.

Obavještenje o nabavci i tenderska dokumentacija su objavljeni na Portalu javnih nabavki dana 25.01.2024. godine u 15:57 sati pod brojem: 269-1-1-4-3-21/24, a sažetak Obavještenja o nabavci objavljen je u „Službenom glasniku BiH" br. 8/2024 dana: 02.02.2024. godine, u skladu sa odredbama



člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22).

Kriterij za dodjelu ugovora je najniža cijena. U postupku nije predviđena primjena e-aukcije. U postupku je predviđeno zaključenje okvirnog sporazuma na period od 2 (dvije) godine.

Prema Izvještaju o preuzimanju tenderske dokumentacije od strane ponuđača tendersku dokumentaciju je preuzelo 20 (dvadeset) potencijalnih ponuđača sa Portala javnih nabavki zaključno s krajnjim datumom za preuzimanje tenderske dokumentacije.

Za vrijeme objave predmetnog postupka na Portalu javnih nabavki, do datuma do kog je bilo dozvoljeno postavljanje pitanja, potencijalni ponuđači COMPLEX d.o.o. i MELIK-GROUP d.o.o. Visoko su tražili pojašnjenja tenderske dokumentacije, a na koje je ugovorni organ pravovremeno, u skladu sa članom 56. Zakona o javnim nabavkama, dao odgovore koji su bili dostupni svim zainteresovanim ponuđačima koji su preuzeli tendersku dokumentaciju predmetnog postupka u sistemu e-nabavke.

U određenom krajnjem roku za dostavu ponuda (15.02.2024. godine do 10:00h) blagovremeno su dostavljene 2 (dvije) ponude, i to ponuda ponuđača: 1. COMPLEX d.o.o. sa sjedištem u Sarajevu na adresi Muhameda Efendije Pandže bb, 71000 Sarajevo, BiH, koja je zaprimljena kod ugovornog organa pod brojem protokola 147/24 dana 15.02.2024. godine u 09:15 sati; 2. MELIK-GROUP d.o.o. Visoko sa sjedištem u Visokom na adresi Kakanjska bb – Donje Moštre, 71305 Visoko, BiH, koja je zaprimljena kod ugovornog organa pod brojem protokola 148/24 dana 15.02.2024. godine u 09:24 sati.

Komisija za provođenje postupka javne nabavke je istog dana 15.02.2024. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova pristupila javnom otvaranju pristiglih ponuda. Postupku javnog otvaranja ponuda prisustvovali su ovlašteni predstavnici oba ponuđača. Kopije Zapisnika o otvaranju ponuda zajedno sa Zapisnikom o zaprimanju ponuda su odmah nakon završenog otvaranja uručene prisutnim ovlaštenim predstavnicima ponuđača.

Zapisnikom o otvaranju ponuda konstatovano je da su ponude uredno zatvorene, te da su ponuđene cijene, kako slijedi: 1. COMPLEX d.o.o. u iznosu od 96.086,30 KM bez PDV-a, 2. MELIK-GROUP d.o.o. Visoko u iznosu od 84.527,50 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće: da su blagovremeno zaprimljene 2 (dvije) ponude u određenom krajnjem roku; da nije bilo neblagovremenih ponuda; da zaprimljene ponude ponuđača: COMPLEX d.o.o. i MELIK-GROUP d.o.o. Visoko ne ispunjavaju kriterije za kvalifikaciju, te se iste isključuju iz daljeg postupka javne nabavke, iz sljedećih razloga:

- ✦ Ponuđač **COMPLEX d.o.o. Sarajevo sa sjedištem u Sarajevu, ul. Muhameda Ef. Pandže bb, 71000 Sarajevo** se isključuje iz postupka javne nabavke iz sljedećih razloga:

Ugovorni organ je tačkom 3.4.1 tenderske dokumentacije, u skladu sa članom 48. ZJN, definisao uslove u pogledu tehničke i profesionalne sposobnosti ponuđača, te tačkom 3.4.2 precizirao dokaze koji se zahtijevaju od kandidata/ ponuđača, kako slijedi:

b) Ponuđači su u obavezi dostaviti sve uzorke, u jedinici mjere, za svaku stavku iz Aneksa II - Obrasca za cijenu ponude, da bi se ugovorni organ uvjerio da ponuđena roba odgovara traženim tehničkim specifikacijama.



Uzorci se dostavljaju u čvrstoj kutiji na kojem/kojima će jasno pisati „uzorci“, za koje ponuđač mora sačiniti specifikaciju robe prema redoslijedu iz Aneksa II, potpisanu i ovjerenu pečatom od strane ponuđača.

Napomena: Ukoliko se na uzorcima, za koje je zahtjevana vrećica kao pakovanje, ne može jasno vidjeti sastav, naziv proizvoda i dr. neophodni elementi koji ulaze u ocjenu istih, ponuđači mogu kao uzorak dostaviti kutiju/ pakovanje traženog proizvoda.

Ponuđač mora dostavljene uzorke obilježiti odgovarajućim stavkama robe iz Aneksa II – Obrasca za cijenu ponude na jedan od načina: da uzorak obilježi neizbrisivom olovkom/flomasterom ili da na manju naljepnicu (prilagođenu veličini uzorka) upiše naziv firme koja dostavlja uzorak, te redni broj pod kojim je zaveden u obrascu za cijenu ponude - robe (Aneks II) tenderske dokumentacije, te istu naljepni na uzorak. Također, svaki uzorak mora biti opečaćen pečatom ponuđača u cilju utvrđivanja vjerodostojnosti istih. Prilikom obilježavanja odgovarajućim stavkama, potrebno je paziti da se ne prekrije odgovarajući tekst na proizvodu.

Uzorci se dostavljaju u originalu sa deklaracijom proizvođača. Ukoliko se na deklaraciji proizvođača ne mogu utvrditi minimalni zahtjevi propisani Obrascem za cijenu ponude vrijedi Izjava proizvođača o sastavu proizvoda (kopija). U slučaju da su originalne proizvođačke deklaracije ili izjave proizvođača na stranom jeziku ponuđač mora iste dostaviti u ponudi, i sačiniti prijevod na jezik BiH. Prevod deklaracije ili izjave mora biti potpisan i ovjeren od strane sudskog tumača u originalu, ili kopiji ovjerenoj od strane nadležnog organa, i dostavljaju se uvezani u ponudi.

Ponuda ponuđača koji ne dostavi sve zahtjeване uzorke i čiji uzorci u svemu ne odgovaraju opisu robe iz obrasca specifikacije, neće se uzeti u dalje razmatranje.

Nakon završenog postupka javne nabavke i potpisivanja ugovora uzorci će biti vraćeni ponuđačima koji su predali ponudu. Ponuđači su dužni sami preuzeti dostavljene uzorke.

Postupak ocjene uzoraka detaljno opisan u tački 4.8. tenderske dokumentacije.

Tačkom 4.8. tenderske dokumentacije opisan je postupak ocjene dostavljenih uzoraka, kako slijedi: „**Ocjena dostavljenih uzoraka:** Komisija za javnu nabavku ugovornog organa će na osnovu dostavljenih uzoraka provjeriti da li odgovaraju minimalnom opisu tehničke specifikacije iz Aneksa II - Obrasca za cijenu ponude, i to u pogledu da li opis dostavljenih uzoraka odgovara opisu predmeta nabavke koji je zahtjevan i naveden u koloni 2. tehničke specifikacije Aneksa II, te prostim poređenjem izvršiti ocjenu svih parametara u smislu da li uzorci odgovaraju karakteristikama - opisu zahtjevanih stavki.

Komisija će uvidom u opis predmetne stavke u koloni 2. Tehničke specifikacije Aneksa II - Obrasca za cijenu, koja se ocjenjuje, izvršiti usporedbu svih stavki sa opisom dostavljenog uzorka u pogledu svakog zahtjeva navedenog u opisu i bližim karakteristikama robe, a koje usporedbe su na nivou prostog poređenja zahtjevanih i dostavljenih parametara u smislu namjene i upotrebne vrijednosti predmetne stavke i to za parametre: naziv proizvoda, vrstu pakovanja, težinu robe, da li je papirna filter vrećica posebno upakovana i sl., jedinicu mjere, sastav (npr. šećer, mlijeko, kakao, čokoladni prah, topiva kafa, postotak sastava i sl.), gramažu (porediti traženu i dostavljenu težinu i sl.).

Obzirom da ugovorni organ vrši predmetnu nabavku napitaka, ponuđena roba ponuđača koja je predmet isporuke, a i dostavljeni uzorci uz ponudu, pored ispunjavanja deklarativnog opisa u odgovarajućim mjernim jedinicama iz Tehničke specifikacije Aneksa II - Obrasca za cijenu ponude, moraju da budu upotrebljivi i funkcionalni u smislu korištenja za namjenu za koju je proizveden, tj. da nisu štetni za zdravlje i da imaju rok upotrebe od strane proizvođača još minimalno 6 mjeseca od roka isporuke.

Znači, ugovorni organ neće ocijenjivati uzorke za odgovarajući standard kvalitete koje radi nezavisno tijelo, nego će prostim opažanjem ocijeniti samo upotrebnu i namjensku vrijednost dostavljenih uzorka, u odnosu na zahtijevani minimalni opis u tehničkoj specifikaciji Aneksa II - Obrasca za cijenu ponude.

Prilikom ocjene dostavljenih uzoraka, Komisija za javnu nabavku je utvrdila da je ponuđač COMPLEX d.o.o. Sarajevo u ponudi, za stavku pod rednim brojem 8. Instant mješavina u prahu -



Kapučino (Cappuccino) čokolada iz Obrasca za cijenu (Aneks II) dostavio uzorak ponuđenog proizvoda koji ne odgovara opisu, odnosno tehničkoj specifikaciji iz Obrasca za cijenu (Aneks II).

Naime, tehničkom specifikacijom za stavku pod rednim brojem 8. iz Obrasca za cijenu (Aneks II) traženo je sljedeće:

Instant mješavina u prahu - Kapučino (Cappuccino) čokolada

Pojedinačna vrećica sa minimalno 18 grama sadržaja.

Sastav minimalno: šećer, instant kafa (min. 10%), kakaov prah smanjene masti (min. 9%), obrano mlijeko u prahu.

Ponudač COMPLEX d.o.o. Sarajevo je dostavio uzorak sa sljedećim karakteristikama:

Cappuccino čokolada

Instant mješavina u prahu za kavin napitak sa okusom čokolade/ praškasta mješavina ekstrakta od kafe sa dodacima sa ukusom čokolade.

Pojedinačna vrećica sa 18 grama sadržaja.

Sastojci: šećer, glukozni sirup, instant kava/kafa (10%), potpuno hidrogenirana/ hidrogenizovana kokosova mast, kakaov prah smanjene masti 10-12% kakaovog maslaca/ putera (8,7%), obrano mlijeko u prahu, koncentrat proteina sirutke, laktoza, čokoladni prah, sol/so, aroma čokolade, mliječne bjelanjčevine. Može sadržavati soju.

Komisija konstatuje da je ponudač dostavio uzorak ponuđenog proizvoda koji ne odgovara opisu, odnosno tehničkoj specifikaciji iz Obrasca za cijenu (Aneks II), obzirom da je na dostavljenom uzorku utvrđeno je da je ponuđen proizvod koji sadrži kakaov prah smanjene masti 10-12% kakaovog maslaca/ putera 8,7% što ne zadovoljava minimalno postavljenom uslovu iz tehničke specifikacije.

Tačkom 2.4 tenderske dokumentacije propisano je između ostalog sljedeće: „Ponudač mora ponuditi robu koja ispunjava minimalne tehničke karakteristike u odnosu na traženo u TD. u pogledu opisa, sastava, jedinice mjere, pakovanja i gramaže, s tim da je za svaku stavku dozvoljeno nuditi robu samo jednog proizvođača. Ugovorni organ je u opisu robe naveo tehničke karakteristike traženih artikala. Ponudači su obavezni da artikli koje ponude, po tehničkim karakteristikama, u cijelosti odgovaraju karakteristikama artikala iz obrasca za cijenu ponude. Ponudač može da ponudi robu istih ili boljih karakteristika. Ponude sa robom koja je slabijih karakteristikama biti će odbijene kao neprihvatljive.“

Tačkom 4.1.1. tenderske dokumentacije propisano je sljedeće: „Stroga formalnost: Ugovorni organ ističe da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uslove tenderskom dokumentacijom, zakonskim i podzakonskim aktima.“

Članom 68. stav (1) ZJN propisano je da ugovorni organ odbacuje ponudu ako ponudač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjenja uslova iz člana od 45. do 51. Zakona.

U skladu sa odredbama člana 2. stav (1) Zakona o javnim nabavkama ponuda je dokument koji podnosi ponudač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 1) prihvatljiva- koju je podnio ponudač koji nije bio isključen u skladu sa članom 45. ovog zakona i koji ispunjava kriterije za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva; **2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponudača koji ne ispunjava kriterije za kvalifikaciju privrednog subjekta;** 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu



ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Slijedom prethodno navedenog, Komisija je jednoglasno zauzela stav da se ponuda ponuđača COMPLEX d.o.o. Sarajevo, u skladu sa članom 2. stav (1) tačka 1) alineja 2) Zakona o javnim nabavkama ("Službeni glasnik BiH", br. 39/14 i 59/22), odbaci kao neprihvatljiva, jer ponuda ne ispunjava kriterije za kvalifikaciju, te se navedeni ponuđač isključuje iz daljeg postupka javne nabavke.

↓ Ponuđač **MELIK-GROUP d.o.o. Visoko sa sjedištem u Visokom, ul. Kakanjska bb, Donje Moštre, 71305 Visoko** se isključuje iz postupka javne nabavke iz sljedećih razloga:

Ugovorni organ je tačkom 3.4.1 tenderske dokumentacije, u skladu sa članom 48. ZJN, definisao uslove u pogledu tehničke i profesionalne sposobnosti ponuđača, te tačkom 3.4.2 precizirao dokaze koji se zahtijevaju od kandidata/ ponuđača, kako slijedi:

b) Ponuđači su u obavezi dostaviti sve uzorke, u jedinici mjere, za svaku stavku iz Aneksa II - Obrasca za cijenu ponude, da bi se ugovorni organ uvjerio da ponuđena roba odgovara traženim tehničkim specifikacijama.

Uzorci se dostavljaju u čvrstoj kutiji na kojem/kojima će jasno pisati „uzorci“, za koje ponuđač mora sačiniti specifikaciju robe prema redoslijedu iz Aneksa II, potpisanu i ovjerenu pečatom od strane ponuđača.

Napomena: Ukoliko se na uzorcima, za koje je zahtjevana vrećica kao pakovanje, ne može jasno vidjeti sastav, naziv proizvoda i dr. neophodni elementi koji ulaze u ocjenu istih, ponuđači mogu kao uzorak dostaviti kutiju/ pakovanje traženog proizvoda.

Ponuđač mora dostavljene uzorke obilježiti odgovarajućim stavkama robe iz Aneksa II – Obrasca za cijenu ponude na jedan od načina: da uzorak obilježi neizbrisivom olovkom/flomasterom ili da na manju naljepnicu (prilagođenu veličini uzorka) upiše naziv firme koja dostavlja uzorak, te redni broj pod kojim je zaveden u obrascu za cijenu ponude - robe (Aneks II) tenderske dokumentacije, te istu naljepi na uzorak. Također, svaki uzorak mora biti opečaćen pečatom ponuđača u cilju utvrđivanja vjerodostojnosti istih. Prilikom obilježavanja odgovarajućim stavkama, potrebno je paziti da se ne prekrije odgovarajući tekst na proizvodu.

Uzorci se dostavljaju u originalu sa deklaracijom proizvođača. Ukoliko se na deklaraciji proizvođača ne mogu utvrditi minimalni zahtjevi propisani Obrascem za cijenu ponude vrijedi Izjava proizvođača o sastavu proizvoda (kopija). U slučaju da su originalne proizvođačke deklaracije ili izjave proizvođača na stranom jeziku ponuđač mora iste dostaviti u ponudi, i sačiniti prijevod na jezik BiH. Prevod deklaracije ili izjave mora biti potpisan i ovjeren od strane sudskog tumača u originalu, ili kopiji ovjerenoj od strane nadležnog organa, i dostavljaju se uvezani u ponudi.

Ponuda ponuđača koji ne dostavi sve zahtjevano uzorke i čiji uzorci u svemu ne odgovaraju opisu robe iz obrasca specifikacije, neće se uzeti u dalje razmatranje.

Nakon završenog postupka javne nabavke i potpisivanja ugovora uzorci će biti vraćeni ponuđačima koji su predali ponudu. Ponuđači su dužni sami preuzeti dostavljene uzorke.

Postupak ocjene uzoraka detaljno opisan u tački 4.8. tenderske dokumentacije.

Tačkom 4.8. tenderske dokumentacije opisan je postupak ocjene dostavljenih uzoraka, kako slijedi:
„Ocjena dostavljenih uzoraka: Komisija za javnu nabavku ugovornog organa će na osnovu dostavljenih uzoraka provjeriti da li odgovaraju minimalnom opisu tehničke specifikacije iz Aneksa II - Obrasca za cijenu ponude, i to u pogledu da li opis dostavljenih uzoraka odgovara opisu predmeta nabavke koji je zahtjevan i naveden u koloni 2. tehničke specifikacije Aneksa II, te prostim poređenjem izvršiti ocjenu svih parametara u smislu da li uzorci odgovaraju karakteristikama - opisu zahtjevanih stavki.



Komisija će uvidom u opis predmetne stavke u koloni 2. Tehničke specifikacije Aneksa II - Obrasca za cijenu, koja se ocjenjuje, izvršiti usporedbu svih stavki sa opisom dostavljenog uzorka u pogledu svakog zahtjeva navedenog u opisu i bližim karakteristikama robe, a koje usporedbe su na nivou prostog poređenja zahtjevanih i dostavljenih parametara u smislu namjene i upotrebne vrijednosti predmetne stavke i to za parametre: naziv proizvoda, vrstu pakovanja, težinu robe, da li je papirna filter vrećica posebno upakovana i sl., jedinicu mjere, sastav (npr. šećer, mlijeko, kakao, čokoladni prah, topiva kafa, postotak sastava i sl.), gramažu (porediti traženu i dostavljenu težinu i sl.).

Obzirom da ugovorni organ vrši predmetnu nabavku napitaka, ponuđena roba ponuđača koja je predmet isporuke, a i dostavljeni uzorci uz ponudu, pored ispunjavanja deklarativnog opisa u odgovarajućim mjernim jedinicama iz Tehničke specifikacije Aneksa II - Obrasca za cijenu ponude, moraju da budu upotrebljivi i funkcionalni u smislu korištenja za namjenu za koju je proizveden, tj. da nisu štetni za zdravlje i da imaju rok upotrebe od strane proizvođača još minimalno 6 mjeseca od roka isporuke.

Znači, ugovorni organ neće ocijenjivati uzorke za odgovarajući standard kvalitete koje radi nezavisno tijelo, nego će prostim opažanjem ocijeniti samo upotrebnu i namjensku vrijednost dostavljenih uzorka, u odnosu na zahtijevani minimalni opis u tehničkoj specifikaciji Aneksa II - Obrasca za cijenu ponude.

Prilikom ocjene dostavljenih uzoraka, Komisija za javnu nabavku je utvrdila da je ponuđač MELIK-GROUP d.o.o. Visoko u ponudi, za stavku pod rednim brojem 7. Instant mješavina u prahu - Kapučino (Cappuccino) vanilija i stavku pod rednim brojem 8. Instant mješavina u prahu - Kapučino (Cappuccino) čokolada iz Obrasca za cijenu (Aneks II) dostavio uzorak ponuđenog proizvoda koji ne odgovara opisu, odnosno tehničkoj specifikaciji iz Obrasca za cijenu (Aneks II).

Naime, tehničkom specifikacijom za stavku pod rednim brojem 7. iz Obrasca za cijenu (Aneks II) traženo je sljedeće:

Instant mješavina u prahu - Kapučino (Cappuccino) vanilija

Pojedinačna vrećica sa minimalno 18,5 grama sadržaja.

Sastav minimalno: šećer, obrano mlijeko u prahu, instant kafa (min. 7%), prirodna aroma vanilije (min. 0,1%).

Ponuđač MELIK-GROUP d.o.o. Visoko je dostavio uzorak sa sljedećim karakteristikama:

Cappuccino vanilla

Praškasta instant mješavina ekstrakta od kafe okusa vanilije.

Pojedinačna vrećica sa 18,5 grama sadržaja.

Sastojci: šećer, obrano mlijeko u prahu min. 20%, glukozni sirup, instant kafa min. 8%, kokosovo ulje, laktoza, regulator kiselosti, sredstvo protiv zgradnjavanja, sol, stabilizatori, **prirodna aroma.**

Komisija konstatuje da se na dostavljenom uzorku ne može utvrditi postotak aroma vanilije u sadržaju proizvoda. Tenderskom dokumentacijom propisano je da se uzorci dostavljaju u originalu sa deklaracijom proizvođača, te da ukoliko se na deklaraciji proizvođača ne mogu utvrditi minimalni zahtjevi propisani Obrascem za cijenu ponude vrijedi Izjava proizvođača o sastavu proizvoda. Ponuđač u ponudi nije dostavio Izjavu proizvođača o sastavu proizvoda, te samim tim nije dokazao da ponuđeni proizvod odgovara zahtjevanom minimalnom tehničkom opisu.

Nadalje, tehničkom specifikacijom za stavku pod rednim brojem 8. iz Obrasca za cijenu (Aneks II) traženo je sljedeće:

Instant mješavina u prahu - Kapučino (Cappuccino) čokolada

Pojedinačna vrećica sa minimalno 18 grama sadržaja.

*Sastav minimalno: šećer, instant kafa (min. 10%), **kakaov prah smanjene masti (min. 9%)**, obrano mlijeko u prahu.*



Ponuđač MELIK-GROUP d.o.o. Visoko je dostavio uzorak sa sljedećim karakteristikama:
Cappuccino chocolate

Praškasta instant mješavina ekstrakta od kafe okusa čokolade.

Pojedinačna vrećica sa 18,5 grama sadržaja.

Sastojci: šećer, obrano mlijeko u prahu min. 17%, glukozni sirup, instant kafa min. 10%, **kakao prah min. 2,8%**, kokosovo ulje, laktoza, regulator kiselosti, sredstvo protiv zgradnjavanja, sol, stabilizatori, prirodna aroma.

Komisija konstatuje da je ponuđač dostavio uzorak ponuđenog proizvoda koji ne odgovara opisu, odnosno tehničkoj specifikaciji iz Obrasca za cijenu (Aneks II), obzirom da se iz dostavljenog uzorka ne može utvrditi da se u sadržaju ponuđenog proizvoda nalazi kakao prah sa smanjenom masti sa min. 9% istog. Na dostavljenom uzorku utvrđeno je da je ponuđen proizvod koji sadrži kakao prah min. 2,8% što ne zadovoljava minimalno postavljenom uslovu iz tehničke specifikacije.

Tačkom 2.4 tenderske dokumentacije propisano je između ostalog sljedeće: „Ponuđač mora ponuditi robu koja ispunjava minimalne tehničke karakteristike u odnosu na traženo u TD, u pogledu opisa, sastava, jedinice mjere, pakovanja i gramaže, s tim da je za svaku stavku dozvoljeno nuditi robu samo jednog proizvođača. Ugovorni organ je u opisu robe naveo tehničke karakteristike traženih artikala. Ponuđači su obavezni da artikli koje ponude, po tehničkim karakteristikama, u cijelosti odgovaraju karakteristikama artikala iz obrasca za cijenu ponude. Ponuđač može da ponudi robu istih ili boljih karakteristika. Ponude sa robom koja je slabijih karakteristikama biti će odbijene kao neprihvatljive.“

Tačkom 4.1.1. tenderske dokumentacije propisano je sljedeće: „Stroga formalnost: Ugovorni organ ističe da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uslove tenderskom dokumentacijom, zakonskim i podzakonskim aktima.“

Ponuđač MELIK-GROUP d.o.o. Visoko je, na stranici broj 2. ponude, u Obrazcu za ponudu (Aneks I) naveo pogrešan broj obavještenja sa Portala JN, i to: 269-1-1-4/24, te je na taj način postupio suprotno zahtjevu ugovornog organa iz tačke 4.1.1. tenderske dokumentacije.

Tačkom 3.1.2 tenderske dokumentacije ugovorni organ je precizirao dokaze koji se zahtijevaju od kandidata/ ponuđača, u svrhu dokazivanja lične sposobnosti (Član 45. ZJN), kako slijedi: „Ponuđač, u svrhu dokaza o ispunjavanju prethodnih uslova lične sposobnosti (član 45. stav (1) Zakona), dužan je u ponudi dostaviti popunjenu Izjavu ovjerenu kod nadležnog organa (sud, notar ili općina), u formi i na način koji propisuje Agencija za javne nabavke, i ne može biti starija od datuma objave obavještenja za predmetnu nabavku na portalu javnih nabavki. **Obrazac Izjave o ispunjenosti uslova iz člana 45. stav (1) tač. a) do d) Zakona, propisan od strane Agencije za javne nabavke, sastavni je dio ove tenderske dokumentacije u obliku Aneksa III.**“

Također je navedeno, da će ponuđač biti isključen iz daljnjeg učešća zbog neispunjavanja navedenog uslova za kvalifikaciju, ukoliko se u ponudi ne dostavi navedena Izjava, na način na koji je traženo.

Uvidom u ponudu ponuđača MELIK-GROUP d.o.o. Visoko, utvrđeno je da je ponuđač na stranici 8. ponude dostavio traženu Izjavu o ispunjenosti uslova iz člana 45. stav (1) tačka od a) do d) Zakona o javnim nabavkama BiH, u kojoj je, u dijelu predviđenom da se upiše broj „Obavještenja o nabavci“ upisan pogrešan broj obavještenja, u dijelu predviđenom da se upiše broj „Službenog glasnika BiH“ u kojem je to obavještenje objavljeno, nije upisan broj „Službenog glasnika BiH“ već je navedeno „Portal JN“.



Tačkom 3.5.2 tenderske dokumentacije ugovorni organ je propisao sljedeće: „*Ponudlač je dužan uz ponudu dostaviti i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci. **Obrazac Pismene izjave iz člana 52. ZJN, propisan od strane Agencije za javne nabavke, sastavni je dio ove tenderske dokumentacije u obliku Aneksa IV.***“

Uvidom u ponudu ponuđača MELIK-GROUP d.o.o. Visoko, utvrđeno je da je ponuđač na stranici 28. ponude dostavio traženu Pismenu izjavu iz člana 52. Zakona o javnim nabavkama, u kojoj je u dijelu predviđenom da se upiše broj „Obavještenja o nabavci“ upisan pogrešan broj obavještenja, u dijelu predviđenom da se upiše broj „Službenog glasnika BiH“ u kojem je to obavještenje objavljeno, nije upisan broj „Službenog glasnika BiH“ već je navedeno „Portal JN“.

Na gore navedenim izjavama nedostaje jedan od bitnih elemenata za identifikaciju predmeta, a to je tačan broj obavještenja o nabavci. Broj obavještenja o nabavci, predstavlja ID broj predmeta, koji je kao takav jedinstven isključivo za navedeni predmet, te dostupan svim ponuđačima, javno, putem Portala javnih nabavki, samim preuzimanjem tenderske dokumentacije.

Uputstvom za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Agencija za javne nabavke je propisala obrasce Izjava iz člana 45., 47. i 52. Zakona o javnim nabavkama, te njihovo nepopunjavanje ili pogrešno popunjavanje čini povredu postupka javne nabavke.

Članom 68. stav (1) ZJN propisano je da ugovorni organ odbacuje ponudu ako ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjenja uslova iz člana od 45. do 51. Zakona.

U skladu sa odredbama člana 2. stav (1) Zakona o javnim nabavkama ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti: 1) prihvatljiva- koju je podnio ponuđač koji nije bio isključen u skladu sa članom 45. ovog zakona i koji ispunjava kriterije za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva; **2) neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta;** 3) nepravilna - koja nije u skladu sa tenderskom dokumentacijom ili je primljena izvan roka za dostavu ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Slijedom prethodno navedenog, Komisija je jednoglasno zauzela stav da se ponuda ponuđača MELIK-GROUP d.o.o. Visoko, u skladu sa članom 2. stav (1) tačka l) alineja 2) Zakona o javnim nabavkama („Službeni glasnik BiH“, br. 39/14 i 59/22), odbaci kao neprihvatljiva, jer ponuda ne ispunjava kriterije za kvalifikaciju, te se navedeni ponuđač isključuje iz daljeg postupka javne nabavke.

Kako su ponude ponuđača: COMPLEX d.o.o. Sarajevo i MELIK-GROUP d.o.o. Visoko, u skladu sa članom 2. stav (1) tačka l) alineja 2) Zakona o javnim nabavkama („Službeni glasnik BiH“, br. 39/14 i 59/22), odbačene kao neprihvatljive, jer ponude ne ispunjavaju kriterije za kvalifikaciju, Komisija konstatuje da su se stekli zakonski uslovi za primjenu člana 69. stav (2) tačka d) Zakona o javnim nabavkama („Službeni glasnik BiH“, br. 39/14 i 59/22) kada je ugovorni organ obavezan poništiti postupak javne nabavke u slučaju kada „**nijedna od primljenih ponuda nije prihvatljiva**“.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.



Imajući u vidu navedeno, a u skladu sa članom 69. stav (2) tačka d) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Prilog: Kopija Zapisnika o pregledu i ocjeni ponuda broj: 498/24 od 08.03.2024. godine.

JP „LOKOM“ d.o.o. Sarajevo
Direktor

Adnan Šabanović
Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.